



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Denkwürdige Beiträge für Geschichte und Rechtsalterthümer**

**Wigand, Paul**

**Leipzig, 1858**

33. Schiedsrichterliche Entscheidung darüber, ob ein weltlicher Bewohner jenes Hauses bürgerliche Gewerbe treiben dürfe; 1347

**urn:nbn:de:hbz:466:1-30944**

quam ceteri concives nostri facere solent; volentes ipsos pro nostra possibilitate tanquam alios nostros concives fideliter defensare. Condictum est eciam, quod ultra structuram provenerit ad aream ipsius domus constructam, novum edificium, scilicet granarium vel habitaculum edificare ipsis non licebit, exceptis uno dormitorio, quod slapestede dicitur, horreis ac stabulis pecorum suorum et equorum, que ad sui indigenciam et utilitatem construenda ipsis presentibus licenciamus. Ne igitur hujus rei noticie aliquid lapsu temporis subtrahere possit oblivio, id presenti cedula commendavimus, sigilli universitatis nostre appensione firmiter communitate. Datum anno Domini M CCC XXXVII in die beati Thome Apostoli.

**33. Schiedsrichterliche Entscheidung darüber, ob ein weltlicher Bewohner jenes Hauses bürgerliche Gewerbe treiben dürfe. 1347.**

Cum ergo processu temporis post data literarum presencium dubium, altercacio sive dissencio orta fuerat inter religiosas virgines, dominam Abbatissam et conventum monasterii in Beringehusen ex una, et consules et cives Hux. parte ex altera, asserentibus civibus, quod persona secularis, licet coopidanus eorum, habitans in domo predictarum virginum, non deberet nec liceret ei, cerevisiam braxare et tabernare, nec deberet mercatum exercere publicum; predictis autem virginibus allegantibus in contrarium, quod persona et opidanus Huxar. libere et de jure posset emere, vendere et mercatum publicum exercere, quia de bonis suis exactiones et collectas una cum aliis civibus daret, ut tenetur, prout in litera superius est expressum. Nos igitur hinc inde arbiter et pro diffinitore electus inter partes supradictas diffiniendo pronunciamus et pro jure dicimus et conolizamus (?), prout propria dictat ratio et ministerialium nostrorum ac fidelium nostrorum, Consulum Montismartis, ac aliorum honestorum virorum providencia et districtione instructi sumus: Quod quecunque persona secularis, prout promissum est, predictam domum inhabitans poterit nunc et in perpetuum vendere, emere et mercatum publice exercere, nullo sibi obstante et prohibente jure canonico vel civili. Hanc sentenciam juris dedimus et pronunciamus anno Domini M CCC XLVII In die beati Mathie apostoli, presentibus multis honestis et fidedignis infrascriptis, scilicet Her. de Voltessen, Thiderico mone-

tario, proconsulibus; Godschalko Loghere, Arnaldo Sualenberge, Conr. de Luchteringe, Conr. dicto Kremere, Joh. Paderb. Her. Thomes, Ludolfo dicto Prenere, Hellebrecht, Arnoldus Godberti, Thidericus Goddeken, Consulibus Huxar.; Thiderico de Hedewigessen, Clerico, Themone Greven, Her. dicto Rebok et dicto Scof, famulis, et aliis quam pluribus de prudencioribus civitatis. In cujus facti ac pronunciacionis predicte sentencie robur et testimonium sigillum nostrum Presentibus est appensum.

### 34. Befreiung von namhaften bürgerlichen Lasten. 1345.

Nos Consules Huxarienses presentibus recognoscimus lucide protestando, quod communicato consensu veterum Consulium ac prudentum, et pensatis obsequiis ac statu discreti viri Thiderici dicto Godeman sacerdotis, et nichilominus circa aliqua proventuum et reddituum nobis assignatorum et creditorum per eundem, ipsum et bona sua mobilia et immobilia habita, habenda, et in futuro adveniencia quocunque libertavimus ac presentibus libertamus, eundemque quitum et solutum ab omnibus oneribus et juribus municipalibus, ad que nostri concives sunt astricti, habere volumus ac dimittimus, que Schat, burwerk, dorwaren, ratmanwachte, perdeholden, geltleynen dicuntur, et ab aliis accidentibus, que ipsum gravare vel molestare poterint, sine contradictione aliqua, que a nobis nostrisque successoribus ac nostra civitate fieri possit quovismodo, exceptis vigiliis communibus, que burwachte nuncupantur. Volentes et debentes ipsum pro nostro Capellano fideli ac dilecto proloqui, ubicunque oportunum fuerit, pro nostra possibilitate, et bona sua in dictis libertatibus tueri ac gubernare temporibus sue vite. In cujus rei robur et evidens testimonium sigillum nostre civitatis presentibus est appensum. Datum anno Dom. M CCC XL quinto, ipso die Silvestri Pape.

Item libertavimus redditus annuos trium marcarum argenti ad altare in ecclesia S. Petri, quos quondam dominus Arnoldus de ponte vel Strolyni dictus habuit comparatos.